

11

**PRAESUMPTIONEM
AEQUALITATIS
IN IUDICIIS DIVISORIIS
ET
ACTIONE NEGATORIA**

AD L. VII. D. FIN. REGVND

PRAESIDE

CHRISTOPHORO LVDOVICO CRELLIO

I. V. D. IUR. NAT. ET GENT. ITEMQVE POET
PROF. PVBL. ORDIN
FACVLT. IURID. ASSESSORE

*IN AUDITORIO ICTORVM
DEFENDET*

ANDREAS HARTMANNVS

PRATOVALLENSIS

VITEMBERGAE AD D. MAII A. Q. S. P. E. cl. 1833 XXXV

EX OFFICINA GERDESIANA





I

OCCASIO INSTITVTI



is, haud ita pridem, ad ICTORVM in hac Academia ordinem allatae sunt lites, quae non sub alia formula, quam EX PRAESUMPTIONE AEQUALITATIS NATURALIS, quae inter ciues, etiam ratione parrimonii et obligationum, locum habet, iudicandae uidebantur. SENATVS PRETTINENSIS, Anno cło 15cc xxxi. Mense Decembri, de IVRGIO FINALI, quo ciues quidam inter sese contendebant, consulebat. Actor, ut sit, multum sibi de MODO AGRI sui decessisse, querebatur: rem omnem perturbatam esse: uideri ADPINEM, id est, FESTO interprete, (a) reum, qui proxime ab illo AGROS possidebat, terminos mouisse: ideoque arbitros, qui de finibus regundis cognoscerent, poscebat. Multa utrinque afferebantur, quae ancipitem iudicis, inter partes, animum tenebant. Agri tandem oculis subiecti. Apparebat, haud paullo maiorem esse modum agri, quem reus possidebat. Sed tunc quidem, auctore MODESTINO l. 7. D. *Fin. reg.* contra illum, qui MAIOREM PARTEM in territorio habebat, iudicatum est:

A 2

cum

(a) Festus, in uoce; Adfines,

cum, nisi aliud appareat, AEQVO IVRE agri CONFINES di-
vidi et aestimari crederentur. Iamdum res illa animum ad-
vertit. Sed nuperrime res magis in controuersiam adduci
uisa est, cum species non multum absimilis proponeretur.
Disceptabant inter se rustici, quantum quisque operarum et
pecuniae conferret, si quid ab uniuersitate omnium exigere-
tur. Rei, se, a multis abhinc annis, DIMIDIO MINVS, quam
reliqui soluerent, aiebant contulisse. Actores negabant, illud
IVRE factum esse: Nihil magis esse conueniens naturae,
quam AEQVABLEM sumptuum et onerum DESCRIPTION-
NEM: Ius *isocostas*, teste M. TVLLIO, (a) AEQVABLEM
TRIBVTIONEM, ut omnia omnibus, PARIA PARIBVS re-
spondeant, desiderare. Dubitabatur, quae formula dari debe-
ret actoribus, qui AIEBANT, sibi IVS ESSE, cogendi reos
ad AEQVABLEM collationem. Onus enim probationis uter-
que declinabat. Sed, actores NEGATORIA experiri posse,
placuit; cum, nisi aliud actum esset, illud haberet rationem,
uti commoda et fructus ita etiam onera, inter ciues AEQVA-
LITER communicari. Digna res uisa est, quae commenta-
tione luculenta tractaretur. Age ergo, uideamus

II

INAEQUALITAS INTER CIVES AN CIVILI IVRE
INTRODVCTA

SED NATVRALI quidem IVRE, omnes omnino homines
inter se AEQVALES esse, VLPIANVS l. 32. D. de *Reg. iur.*
tradit. Neque quisquam facile dubitet, qui hominum
iura et ordines et gradus, in quibus quilibet constitutus sit,
ex ipsius DEI consilio, eiusque in homines amore, metiatur.
Quis enim non uidet, ILLVM, qui omnes homines, quod
FLORENTINVS ait, l. 3. D. de *Instit. et Iure*, cognatione qua-
dam inter se coniunxit, omnes eadem corporis machina, ea-
dem pedum et manuum uirtute instruxit, omnes eodem fere
spiritu, eadem mente animauit, aut, si quid cuiquam ulla in
parte deesse uideatur, illud aliis commoditatibus pensauit, at-
que

(a) Cic. L. II. de Nat. Deor. Op. T. I. p. 28

que alia in parte largissime restituit, qui omnibus eundem solem, eundem terrarum orbem aperuit, eandem auram omnibus, eosdem arborum fructus, eundem soli et agrorum usum commodavit, omnia ad varias utilitates comparavit, nihil se iunxit, neminem exclusit, omnia cum omnibus communicavit, ILLVM, inquam, EODEM omnes studio complexum, amores suos AEQUALITER inter omnes diuisisse, neminem inanem, neminem ieiunum, neminem beneficiis uacuum, neminem expertem dimisisse. Igitur homines AEQUALI IURE inter se uruntur

Recte enim MARCVS TVLLIVS (a) fraternam AEQUALITATEM, concordiam, consensum conspirantem et paene conflatum, in illis desiderat, qui se necessitudine mutua, et cognatione, quam natura inter omnes constituit, attingunt. Recte idem alio loco (b) IUSTITIAE laudem, ait, in primis fide et AEQVABILITATE contineri

Sed haud paullo aliter in CIVITATIBVS, quas tamen idem ille TVLLIVS (c) iustitiae fruendae causa constitutas esse ait, iura singulorum uidemus aestimari. In illis enim cuius suus in republica locus assignatus, suus cuique gradus attributus, singuli fere in sua quisque statione collocati, discrimen aliquod inter homines, et varia illorum genera accepta sunt: et, teste VLPIANO, l. 9. §. II. D. de *Poenis*, propter hominum inaequalitatem, ne omnes EADEM poena affici possint, receptum est: quandoquidem, si CLAVDIVM SATVRNINVM l. 16. §. 3. D. de *Poenis*, et MACRVM l. 10. pr. eod. audiamus, ex iisdem facinoribus aliter serui, quam liberi, aliter decuriones, quam plebei et humiles et sordidae conditionis personae, puniuntur

Certe POMPONIVS et PROCVLVS l. 6. et l. 80. D. *pro Socio*, ne SOCIOS quidem, quamuis fratrum iure censeantur, praedam semper AEQVIS PARTIBVS diuidere debere docet, in primis, si alter plus operae, industriae, gratiae, pecuniae contulisse

A 3

(a) Cic. in Orat. pro Ligar. circa fin. p. m. 812.

(b) Cic. L. II. de Orat. Oper. T. I. p. m. 250.

(c) Cic. II. de Offic. c. 12.

tulisse uideatur: Constituendos esse quosdam gradus, suum cuiilibet, sed ut res tulerit, non quidem ex aequo, sed alii aliud subinde tribuendum. Qua re naturalis aequalitas in ciuitate uidetur perturbata

Illud ius inaequale uidetur SENECAE (a) stomachum mouisse, qui quid sit Eques Romanus, quaerit, aut, quid Libertinus, aut, quid seruus, quam nomina ex ambitione et iniuria, enata. Neque TULLIO illa inaequalitas placuit (b) qui etiam latrones dicit iustitia exactiori negotia administrare, illumque, qui archipirata dicitur, nisi AEQVABILITER praedam disperiat, aut interfici ait a sociis, aut certe destitui, et, facta discessione, nudum et solum in periculo relinqui

At enim uero, tantum abest, ut haec instituta ciuitatum a naturali ratione discedant, ut potius ipsius Dei consilium DISCRIMEN inter homines admittat, ingenuos et frugi, a nefariis et improbis segreget, et non patiaris, ut eodem modulo omnino omnes metiamur. Quae enim supra de ABSOLVTA illa AEQUALITATE, quam philosophi ARITHMETICAM appellant, et cuius in iustitia COMMUTATIVA habendam esse rationem dicunt, disputata sunt, ad illos pertinent, qui in eadem, in qua natura nos edidit, integritate perstituerunt, nullo SVO FACTO rationes suas perturbauerunt, nihil de uiribus suis deminuerunt, nulla sui parte, nulla sua culpa debilitati sunt, nunquam penitus sublapsi, omnes boni, omnes innocentes. Inter hos enim, certum est, nihil interesse, nihil discriminis intercedere, eodem omnes loco esse, omnes iisdem commoditatibus perfrui, iisdem beneficiis ornari. Qua re ueteres optime, AMOREM ANTECEDENTEM Dei, quo omnes prouocat, et, priusquam de rebus suis ipsi constituunt, et uiam, in quam ingrediantur, eligunt, omnes homines amplectitur, AEQVALEM esse, eiusque rei fructus cum omnibus communicari, docuerunt

Sed alia ratio ineunda est, postquam homines de statione prima

(a) Sen. ep. 32.

(b) Cic. II. Off. c. II.

prima discesserunt, atque ipsi sponte in partes diuersas abierunt. Quandoquidem enim alii studio et industria alios superant, alii in stadio decurrunt, alii desides et lenti pedem omnino proferre non audent: alii haerent in sordibus, alii labem contractam uirtute eluunt: alii propius ad finem propositum accedunt, alii longius ab illo absunt: alii officio satisfaciunt, alii illud deferunt, aut non attingunt, resque uarie, et consiliis inter se aduersis, a plurimis administratur; apparet, quod praecipiente etiam naturali ratione, et si ex amore Dei, quem *CONSEQUENTEM* appellant, res aestimetur, necessarii sint hominum et officiorum quidam gradus et ordines, in quibus alia aliis conueniant, et, moderante iustitia ius cuique suum inaequaliter, attribuat

In tanta igitur rerum conuersione, quae subsecuta est, inque tanta hominum et uirium dissimilitudine et discrepantia, boni uiri officio conuenit, ius cuique suum, *EX SVIS VIRIBVS*, et conditione reddere: ut qui multis rebus careant, illis ex sua *INDIGENTIA* ius quoddam tribuatur, exigendi ista a sociis, quorum illi copia abundant, sed his plura officia imponantur, quorum copiae et facultates ampliores sunt, ut ad subleuandam aliorum inopiam, et *COMMUNES* necessitates procurandas, suffecturae uideantur. Hoc est genus illud *IUSTITIAE*, cui ueteres *DISTRIBUTIVAE* nomen accommodandum esse censuerunt. Haec est illa *ISOPLA*, et *AEQVABILIS TRIBVTIO*, quam in Diis immortalibus CICERO (a) laudauit, in qua omnia omnibus, *PARIA PARIBVS*, respondent. Haec est illa *AEQUALITAS*, quam *GEOMETRICAM* dici, a philosophis et menforibus discimus. Haec est illa *VTILITAS*, ob quam *VLPIANVS* l. 5. §. 2. *D. de Poenis*, et *CLAVDIVS SATVRNINVS*, itemque *MAGER*, quos supra excitauimus, l. 10. et 16. *D. eod.* praeceperunt, modo *POENAM IUSTAM* eligendam, modo *TEMPERAMENTVM* esse admittendum, et ob quam etiam *POMPONIVS*, et *PROCVLVVS* l. 6. et 80. *D. pro Socio*, ne sociis quidem aequas semper partes tribuendas esse existimarunt.

In

(a) Cic. de Nat. Deor. l. p. 281.

In qua re nemo credat, illos peccauisse, qui iura ciuitatibus constituerunt. Enimuero, cum etiam inter-bonos et aequales aliquando necessitas desideret, ut fiant quidam inter illos gradus, ut alter alteri subinde cedat, ut officia inter plures diuidantur, ut res ordine administretur, ut nihil temere et inconsulto, et quasi in turba et tumultu, facile suscipiatur; certe multo magis, in tanta hominum inter se diuerforum multitudine, res ipsa postulauit, ut de aliis aliter decerneretur. Quaerendi sunt molles aditus, quibus facillime in cuiusque animum perueniatur: Cuius morbo alia subinde medicina adhibenda, quae morbum alium non iuat: omnia remedia uim suam perdunt, nisi quae ad rationem personae, et loci, et temporis, et ad illa, quae circumstant, aliquantulum accommodentur.

Igitur nemo uidetur bene rempublicam ordinauisse, nisi qui in omnibus negotiis habuerit IUSTITIAE DISTRIBVTIVAE rationem. Mihi certe nunquam persuaderi potuit, COMMVTATIVAM illam, quam dicunt, et συναλλακτικὴν, seu ABSOLVTAM, et ARITHMETICAM aequalitatem in CONTRACTIBVS desiderari. Quis enim credat, quantum ad patrimonia attinet, uires ciuium inter se AEQVALES esse, et quemlibet alteri ad tantundem aut reddendum, aut omnino promittendum, naturali ratione obstringi, quantum ipsi ab alio datum est, aut etiam promissum. Ipse MARCVS TVLLIVS (a) auctor est, non fuisse in ciuitate Romana duo millia hominum, qui REM HABERENT, plerosque pauperes, proletarios, enervos, rerum omnium egentes. Imo uero, quamuis aequitatem mirifice commender, non tamen AEQVARI bona ciuium patitur, sed damnat perniciosam et capitalem Philippi; quam in tribunatu, ob legem agrariam habuit, orationem, quae ad AEQVATIONEM BONORVM pertinere uideretur; et negat,aequatione bonorum maiorem pestem cogitari posse. (b) Itaque intelligitur, in nulla re magis ciuem ciue superiorem esse, quam si patri.

(a) Cic. Off. II. 21. 22. 23. f. et 24.

(b) Cic. loc. cit.

patrimonia illorum inter sese comparentur. Quae cum certa sint et expedita, non uideo, cur NATVRALI RATIONE, in contractibus, quibus utrinque aliquid promittitur, tantundem ab altero contrahentium paupere, quantum a diuite ex aduersa parte, exigatur, aut cur in his negotiis praestationes ARITHMETICE AEQVALES, ex utraque parte, et officia PRORSVS PARIA, si non ita conuenerit, desiderentur. Sed de his deinceps locus erit exponendi

III

IN DVBIO AEQUALITAS PRAESVMITVR

ET

IPSA AEQVITAS AEQUALITATEM NOTAT

Ex his, quae adhuc disputata sunt, apparet, NATVRA homines AEQVALES esse; sed plerisque FACTO SVO, aut culpa, aut uirtute, uirium deminutionem passos, aut illarum cepisse incrementa: ut alter altero superior subinde uideatur. Verum enim uero, cum illa uirium mutatio, et aequalitatis naturalis perturbatio, ab ipsis fere hominibus pendeat, adeoque FACTI sit, quod ICti aiunt; docet natura, illam inaequalitatem non praesumi, sed, docente PAVLLO atque CELSO, l. 5. et l. II. D. de *Probat.* ab allegante probandam esse: contra, ubi res dubia fuerit, omnes uiribus AEQVALES, omnes omnino PARES censer, nisi aliter conuenerit, aut lex mutauerit naturalem hominum aequalitatem. Recte igitur MARCVS TVLLIVS (a) tres ueluti ordines facit iurium, quos sequi in iudicando debeamus: FACTVM, quod inter aliquos conuenit, IUDICATVM, de quo iam antea sententia alicuius constitutum est: quem in ordinem etiam LEGEM referendam esse intelligitur: et denique illud PAR, quod in omnes AEQVABILE esse uideatur. Igitur, si nec FACTO res definita fuerit, nec LEGE, aut IUDICATO constituta, AEQUALITATIS habemus inter ciues rationem. Hinc generatim VLPIANVS l. 164. §. I. D. de V. S. in PARTITIONIBVS, inquit, nisi portio adiecta fuerit, utrisque PARS

B

DIMI-

(a) Cic. de Inuent. II. p. m, 127.

DIMIDIA debetur. Igitur L. FLACCUS laudatur apud CR-
CERONEM, ob AEQVABLEM sumpruum descriptionem. (a)
Hinc poenae genus uidebatur, si nationibus exteris foedus
quidem concessum, sed non ut AEQVO IVRE, sed, ut in
ditione populi Romani tenerentur. (b) Haec est illa
AEQVITATIS ratio, cuius artem esse iurisprudentiam VL-
PIANVS l. 1. pr. D. de *Iust. et iure*, docet, ad quam omnia re-
digenda esse, PAVLLVS l. 24. §. 1. D. de *Min. et l. 90. D. de*
Reg. iur. et CAESARES l. 8. C. de Iudic. praeceperunt. Haec
est illa HUMANITAS, qua docente IULIANO, l. 13. pr. D. de
Lib. et postb. subtilem regulam iuris temperamus. Haec
SUMMA illa RATIO, et ipsa bona fides, fides, inquam, na-
turali iusticia firmata, quam PAPINIANVS l. 43. D. de Relig.
STRICTAE rationi, et VLPIANVS l. 29. §. 4. D. Mandati,
iuris ciuilibus apicibus opponunt, et ob quam ignoscendum
esse, MODESTINVS l. 13. §. 7. D. de Excus. existimauit.
Quod argumentum MARQVARDVS FREHERVS (c) copio-
sius tractauit

Neque enim dubito, quin ipsa AEQVITAS, quam ICti
mirifice commendant, AEQVALITATIS inprimis rationem
comprehendat. Certe non facile ueteres, in definienda
AEQVITATE, AEQVALITATIS mentionem omiserunt. VL-
PIANVS certe l. 63. §. 5. D. *pro socio*, illam sententiam ha-
bere AEQVITATEM ait, quae efficiat, ut sociorum portio-
nes EXAEQVENTVR: Et MODESTINVS l. 20. D. de *Re iu-*
dic. quod AEQVA LANCE in persona omnium seruetur,
AEQVITATIS docet rationi conuenire. Imperator LEO,
l. 17. C. de *Collat.* de studio AEQVITATIS gloriatur, quod
ipsi suggesserit, ut AEQVA LANCE, PARIQUE MODO, sin-
gulis prospiciatur, et inter coheredes aequalitas seruetur, in
collatione. Generaliter etiam DIOCLETIANVS, cum Col-
lega, l. 3. C. *Commun. utr. iudic.* si quid in DIVISIONIBVS
et

(a) Cic. pro L. Flacco p. m. 504

(b) Liv. L. IX. c. 20

(c) Marg. Freh. de Aequitate apud Ottonem, in Thes. T. IV
p. 370

et BONAE FIDEI iudiciis, INAEQUALITER factum esse constiterit, illud in melius reformandum esse, docet, cum ex hac causa etiam maioribus, per diuisionem laesis, merito subueniatur. Igitur BONA FIDES, et aequitas, quam iuri stricto ueteres opponunt, non patitur, ut, nisi ita conuenierit, partes INAEQVALES facile constituantur: quod adduxit ULPIANVM, ut l. 6. §. 2. D. de iure dotium, bono et AEQVO non credat conuenire, aut lucrari aliquem cum damno alterius, aut damnum sentire ex alterius lucro; sed parem omnium habendam esse rationem. Qua de causa idem alio loco, l. 55. D. Pro Socio, AEQVVM esse ait, socium, cum quo lucrum communicatum est, damnum etiam participare. Huc etiam pertinet illud PAVLLI, qui l. 2. §. 5. D. de Aqu. et aqu. plu. AEQVITATEM, ait, suggerere, ut etsi iure destituamur, uicinus aggerem, qui mihi prodesse possit, ipsi nihil nociturus sit, fieri a me patiatur: et in hac specie utili actioni, atque interdicto locum esse. Ex eodem fonte deducitur, quod, si FLORENTINO l. 3. de Iustit. et iure, credimus, hoc ius omnibus hominibus inter se COMMUNE est, ut uim et iniuriam propulsare liceat, et, quod quisque ob tutelam corporis sui fecerit, iure fecisse uideatur, et nefas sit, hominem insidiari: cum omnes fere AEQVO iure, et cognatione quadam, inter sese coniungantur.

Vt rem paucis comprehendam, quod alii AEQVVM dicunt, alii, usu promiscuo, AEQVALE et AEQVABILE subinde appellarunt: Certe aequitatem omnes ad aequalitatem partium imprimis retulerunt. LIVIVS foedus non AEQVO iure factum esse ait, in quo inaequales condiciones foederis admitterentur. (a) Hinc AEQVO et pari iure uiuunt illi, teste TVLLIO (b) inter quos omnia communicantur. Praetor etiam dicitur, dum AEQVITATI locum facit, AEQVABILITATE decernendi, offensionem civium uitare: (c) et fratres, qui nihil inter

B 2

fe

(a) Liu. IX. 20

(b) Cic. l. Off. 34

(c) Cic. pro Muraena p. 483

se discriminis admittunt, AEQUALITATE fraterna videntur inter se coniuncti : (a) ut dubitari non possit, AEQUITATIS laudem inprimis ex AEQVABILI PARTITIONE aestimari

III

PRAESUMPTIO AEQUALITATIS IN COMMUNI DIVIDENDO

SATIS, credo, comprobatum est, in re dubia, AEQVAS partes constitui inter illos, qui de DIVISIONIBVS inprimis in iudicio experiuntur. Eamus per exempla, et primo quidem, quam rationem Praetor in COMMUNI DIVIDENDO secutus sit, excutiamus. Sed in hoc iudicio, quod inter condominos exercetur, tanto minus dubitationi locus relinquitur, quanto magis illud, docente PAVLLO, l. 14. §. 1. D. *Commun. diu.* AEQUITATE ET BONA FIDE regitur, quae, secundum DIOCLETIANVM l. 3. C. *Commun. utr. iud.* non admittit, ut quidquam INAEQUALITER constituatur. Ideo et GAIVS et VLPIANVS, l. 2. §. 1. et l. 3. §. 1. D. *Commun. diuid.* nisi partes inter se pepigerint, PAREM CAUSSAM omnium uideri, responderunt

Illud a GAIO et PAVLLO, l. 13. et 29. D. de *Iudic.* observatum est, ut quilibet ACTOR esse possit, et, si alter occupasset, is, qui prior prouocauerit, aut, in re dubia, quem sors elegerit, actoris partibus defungi iubeatur: quia AEQVO IVRE diuisionem videntur postulare. Sed, ut illi, qui in communionem inciderunt, cogitent, nihil cuiquam temere permitti, quod ipse sibi fieri ab altero noluerit; DIOCLETIANVS, l. 4. C. f. *Commun. diu.* DOLI ET CULPAE VTRINQUE vult haberi rationem: cum EQVAE FIDEI iudicia postulent, ut in omnibus AEQUALITAS seruetur

Res uideri posset expedita, nisi SABINVS et PAPINIANVS l. 28. D. *Commun. diu.* turbas darent, et interdum alterum alteri praeferrent. Aiunt enim, in re PARI, POTIOREM esse causam prohibentis: ideoque neminem quidquam in re communi

(a) Cic. pro Ligar. p. 812

muni recte facere, socio inuito; et, si ille prohibere praetermiserit, per communi diuidendo actionem, damnum socio sarciri. Idem et GAIUS l. 8. de *Seru. P. V.* et PAVLLO l. 26. D. *eod.* placuit; ut ne tignum quidem immittere liceat in partem communem, aut, si immissum fuerit, de damno cognoscatur. Sed tantum abest, ut hoc aequalitati videatur aduersari, ut potius ipsum *IVS AEQUALITATIS* pariat *IVS PROHIBENDI*, ne quis aliquid sibi in re communicare existimer, quod alteri non sit permissum: aut, ne quis solus de rebus illis constituar, quas, fas erat, communi consensu a sociis administrari.

Igitur, dum re communi *VTIMVR*, par utriusque causa est: imo, si quid noui fiat, praeter ordinem, et consilium commune, *POTIOR* plerumque causa prohibentis. Inprimis uero, cum post immensas contentiones, quod PAVLLVS l. 26. D. de *S. P. V.* ait, ad *DIVISIONEM* prouocatur, *PARTES AEQVAS* fieri debere, uisum est, ut solet in iudiciis, quae *BONA FIDE* inprimis continentur. *M. TULLIVS* certe, quod supra obseruatum est, (a) latrones etiam, ait, archipiratam damnare, et occidere, aut deserere, nisi *AEQVABILITER* praedam disperiat: ut intelligatur, ne illos quidem, qui maleficio et scelere pascantur, sine ulla particula iustitiae uiuere, aut commune negotium temere administrare. *DIOCLETIANVS* uero l. 3. C. *Comm. utr. iud.* etiam maiores uiginti quinque annis, in integrum restituit, si quid, extra iudicium, *INAEQUALITER* fuerit diuisum. Exercuit interpretes, quid *INAEQUALITER* *DIVISVM* uideatur; ne ob minima subinde locus sit rescissioni. Forte res egeret disputatione, nisi *ANTONINVS* l. 1. C. *Comm. utr. iud.* praeciperet, diuisionem praediorum *VICEM EMPTIONIS* obtinere. Sed *DIOCLETIANVS* l. 2. C. de *Resc. Vend.* illud demum pretium in *EMPTIONIBVS* iusto minus esse ait, si ne *DIMIDIA* quidem pars ueri pretii soluatur. Igitur non dubito, diuisionem illam demum, in qua quis ultra dimidium laedatur, inaequalem uideri, et locum facere rescissioni.

Placer igitur, AEQVALES partes fieri in COMMUNI DIVIDENDO: modo ne ipsa aequalitas interdum damnum afferat utrisque, qui inter se experiuntur. Illam maculam gloriae populi Romani Q. FABIVS LABEO (a) inussit, qui, cum a Rege Antiocho, ex foedere icto, DIMIDIAM partem navium accipere deberet, omnes MEDIAS secuit, ELVS ORIA AEQUALITATE, ut tota classe Antiochum priuaret. Quam contumeliam ut euitaret Praetor, iudicem, docente VLPIANO, l. 21. D. *Commun. diu.* in diuisione praediorum, id, quod OMNIBVS utilissimum est, seu, quod malint litigantes, sequi iubet: ALEXANDER etiam l. 3. C. *Comm. diu.* si res commode diuidi non possit, facta aestimatione IVSTA, ADIVICATIONEM admittit: ut pretium inter socios compensetur, isque, qui partem maioris pretii acceperit, reliquis pecunia condemnetur, aut, si malint socii, extraneo etiam subinde facultas fiat litigandi.

Nescio, an illud adiciendum sit, quod PAVLLVS l. 29. D. de A. R. D. monuit, insulam in flumine ematam, et inter illos, qui secundum ripam praedia habent, non pro INDIVISO communem fieri, sed regionibus diuisis, ut, quantum ante cuiusque ripam est, tantum, veluti linea in directum per insulam traducta, quisque eorum certis regionibus adquirat.

Illud meretur obseruari, quod VLPIANVS l. 7. §. 12. D. *Solut. Matrim.* et CALLISTRATVS l. 3. §. 10. D. de *Iure Fisci*, docuerunt, etiam THESAURVM forte fortuna in loco alieno inuentum, inter inuentorem et soli dominum AEQUALITER communicari. Reduxit legem desuetudine oblitteratam LEO Imperator, Nou. Leon. LI. seque in illa causa legis ueteris AEQUITATEM secutum esse, gloriatur. At enim uero, aut omnia me fallunt, aut illa aequitas discedit a naturali ratione. Quid enim iuris esse potest inuentori, qui rem non suam, cuius dominus ignoratur, in solo alieno, forte fortunaprehendit: aut quomodo ad dominum soli pertinet, quod

(a) Val. Max. VII. 3. §. 4

quod apud ipsum inuentum est, quod ipse nunquam emit, nunquam adquisiuit, et, quod fere a primo domino in medio relictum: Solus certe CASVS, nisi aliud quid rationis subsit, quod in plerisque ACCESSIONVM speciebus obseruamus, dominium tribuere omnino non debebat. Rectius, ut in bonis uacantibus obseruatur, thesaurus ad communia onera sustinenda, reipublicae poterat addici, aut inter indigentiores, si res tulerit, subinde distribui, aut aequaliter diuidi inter membra eiusdem ordinis, et ciuitatis. Sed ita quidem in communi diuidendo ius redditur.

V

AEQUALITAS INTER SOCIOS

TRACTATVM est de communione, in quam incidimus subinde, etiam inuiti: et uenit in mentem, nec illam praetermittere, quam uoluntate nostra eligimus, et quam SOCIETATEM appellamus. Non omnia enarrare uacat. Illud attinet monere, societatem IVS quodammodo FRATERNITATIS continere. Hoc VLPIANVS docet, l. 63. pr. D. *Pro socio*. Sed, cum fratres, secundum M. TULLIUM, (a) AEQVABILI imprimis IVRE inter se utantur; VLPIANO l. 29. pr. D. *Pro socio*, placuit, ut, si PARTES non adiectae sint, AEQVAE inter illos esse uideantur: nulla autem sit societas, ut alter lucrum totum absorbeat, alter, sine spe commodi, et lucri, damnum sentiant untaxat, l. 29. §. 2. D. *Pro socio*. Et quamuis, quod POMPONIVS ET PROCVLVS aiunt, l. 6. et l. 80. D. *Pro socio*, POSSIT esse conueniens tiri boni arbitrio, ut, propter collationem inaequalem, non utique EX AEQVIS PARTIBVS focii esse censetur; tamen illud ex solis facultatibus non aestimatur. Magis est, ut quamuis NON AEQVIS facultatibus fuerimus, tamen AEQVO IVRE uideamur in societatem coiuisse. Plerumque enim, si VLPIANVM l. 5. §. 1. D. *Pro socio*, audias, PAUPERIOR creditur opera supplere, quantum ei deest per patrimonii pusilli comparationem. Immo uero, teste eodem VLP-

AND

ANO l. 29. §. I. D. *Pro socio*, plerumque TANTI est industria socii, ut PLUS societati conferat, quam pecunia: ut, si solus nauiget, periculo solus subeat, solus etiam peregrinetur. Quae lex optimi exempli est, et illis consolationem afferre debet, quos fortunae iniquitas depresso, et multum infra illos diuites, plerumque stipites et truncos, uidetur collocasse. Debebunt enim animo accendi, et uirtute elutari, ut potiore loco habeantur. Certe cum tanti sit opera, industria, et gratia, qua plerumque pauperes ualere PROCVLVS l. 80. D. *Pro socio*, existimat; non poterit de collatione conqueri diues ille socius, qui plus pecuniarum attulit ad communia negotia societatis

Eo et illud referendum est, quod PAVLLVS l. 65. §. 9. D. *Pro socio*, praecipit; Morte unius dissolui societatem, quamuis plures socii supersint, qui in eandem coierint societatem. Enimvero uel VNVS OPERA tanti referre potest, ut reliquorum, si uno illo careant, non intersit, manere in societate. Nimirum, cum AEQVALES uideantur, singulorum caussa coaluisse in unius societatis corpus, existimantur; et quilibet illorum tanti fieri censetur, ut uel propter VNVS iacturam, nisi aliter conuenerit, compages illa dissoluatur

Illud praetermitti non potest, culpam, quae a socio exigitur, non ad exactissimam diligentiam dirigendam esse: sed docente GAI0, l. 72. D. *Pro socio*, sufficere, si quis talem diligentiam communibus rebus adhibeat, qualem SVIS adhibere solet: quia, qui parum diligentem sibi socium adiunxit, de se queri debet: aut potius, quia ex SOCIO cognoscitur, et iudicatur, quem ex suis negotiis perspectum non habemus. Certe, qui se seiungere a negligente socio potuit, probasse mores socii uidetur. Nimirum, cum ipsi inter se AEQVALES sint, inique socius socii desidiā accusat, quem ipsum esse desidem et negligentem, ex socii conjunctione intelligimus. Haecenus igitur et socii inter sese comparantur

VI

AEQUALITAS COHEREDVM

ALIVANDO igitur iudicio, et consensu, socios eligimus. Sed plerumque in illos INCIDIMVS aliorum uoluntate, inprimis TESTATORVM, qui plures ad eandem rem, uel bonorum uniuersitatem, uocauerunt. Prius de uniuersitate cognoscamus

CELSVS quidem atque VLPIANVS, l. 2. pr. et l. 9. §. 12. D. de *Hered. Instit.* non dubitant, HEREDES plures institutos AEQVIS PARTIBVS succedere, si testator partes non adscripsit: quamuis promiserit se adscripturum. Heredes enim iuris successores sunt: et si PLURES instituantur, DIVIDI inter illos ius oportet: quod si non fiat, omnes AEQUALITER heredes uidebuntur. PAVLLVS l. 12. D. de *Hered. Instit.* illud ulterius porrigit, et, quamuis ex disparibus partibus heredes instituti essent, tamen, si, ante peractum testamentum, testator adiecerit, ut AEQVE heredes essent, illa uerba non solum ad IVRIS, sed PARTIVM etiam AEQUALITATEM refert: ut aequis partibus heredes scripti uideantur. Imo uero CELSVS, CARTILIVS et PROCVLVS l. 24. et l. 69. D. de *Hered. Instit.* auctores sunt, si ALTERNATIM, uter eorum uiuet, aut uter eorum uolet, heredes scripti sint, et uterque uiuat, et uelit acquirere hereditatem, VTRVMQVE heredum numero habendum; cum AEQUALITER testator heredes amauisse censeatur. Id tamen receptum est, ut si alios separatim, alios coniunctim una oratione, heredes scripserit, hi in semissem, aut in partem illam, quae super sit duntaxat, sed inter illos tamen, qui ita coniuncti sint, AEQVO IVRE diuidendam, admittantur: Quod VLPIANVS l. 17. §. 4. D. de *Hered. Instit.* obseruauit. Ex eadem causa, testator non facile discessisse a priori uoluntate, qua aequis partibus heredes scripsit, iudicatur. PAPINIANVS l. 77. §. 21. D. de *Leg. 2.* tractat eiusmodi speciem, qua pater filiam, coheredibus filiis, in quibusdam rebus praerulisse uidebatur. Enimvero pluribus filiis heredibus institutis, moriens, CLAVEM ET ANNVLVM, custodiae causa, maiori natu

C

filiae

filiae tradiderat, et libertum, qui praesens erat, eidem filiae res, quas sub cura sua habuit, assignare iusserat: Quaerebatur, an filia res illas, quas a patre acceperat, et quae arcis, quarum claves traditae fuerant, contingebantur, PRAECIPVAS haberet: Sed praeualuit PRAESUMPTIO AEQUALITATIS: commune enim filiorum negotium gestum esse, neque, ob eam rem, apud arbitrum diuisionis, praecipuam causam filiae futuram, placuit: cum illa sententia esset humanior, quae inter coheredes, inprimis liberos, discrimen non admittat, Multum in utramque partem GVILIELMVS FORNERIVS in libris *Selectionum* disputauit (a).

Illud singulare est, quod testator, qui seruo, quem liberum putabat, substitutum dederat, utrumque in dimidia parte heredem instituisse censetur, l. 40. de *Hered. Instit.*

Igitur AEQVIS partibus testator heredes uidebitur instituisse. Non alia ratio ineunda est, si de ONERIBVS hereditariis suscipiendis disceptetur. Enimvero, si pluribus inter se coniunctis conditio adiecta, ut, si decem dedérin, heredes essent, ipsa enumeratione personarum summam conditionis DIVISAM esse, IAVOLENVS l. 56. D. de *Condit. et Demonstr.* respondit. Quod SCAEVOLA l. 42. D. de *Leg. 3.* uerum putat, quamuis uni coheredum nominatim aliquid iniunctum, quod ceteroquin ad officium omnium heredum pertineret. Ait enim, pro hereditariis portionibus etiam coheredes sumptus esse collaturos. Ut ecce, si uxori, quam in duodecima parte heredem scripserat, corpus suum sepeliendum tradi uoluerit, et monumentum exstrui, usque ad aureos quadringentos, quae summa excederet hereditariam uxoris portionem: uidebuntur OMNES aequaliter teneri ad sumptuum collationem, ut monumentum exstruatur.

Quae in uniuersitate bonorum placuerunt, fere etiam recepta sunt in LEGATIS diuidendis. Certe si duo PARTIRI inter se legatum iussi sunt, portione non adiecta, utrique PARS DIMIDIA debetur. Ita VLPIANVS l. 164. §. 1. D. de *V. S.* censuit; et MVRETVS commentatione luculenta, comprobauit.

(a) Forn. L. I. Select. c. 3. in Theſ. Otton. T. II. p. 8.

uit. (a) Non operae pretium est, recoquere, quod centum alii de legatariorum CONIUNCTIONIBUS apposuerunt. Pauca refert indicari: inprimis, quod et POSTHUMOS testator, quos nunquam uidit, qui de ipso mereri nunquam potuerunt, credatur AEQUALITER amare. Si enim tibi et posthumo legauit, uno nato, docente GAIUS l. 7. pr. D. de *Reb. Dub.* tibi dimidia debetur: sed, natis postea duobus, partem tertiam habebis, tribus natis, cum et tergemini nascantur, quarta ad te perueniet: ut posthumi singuli tecum aequis partibus uocati ad legatum uideantur. Adeo PRAESUMPTIO AMORIS, in posthumos AEQUALIS, VICIT iuris ciuilis regulam, quae una oratione comprehensos pro una persona accipit, et omnes ita coniunctos in partem unam duntaxat admittit.

Non longe ab hac specie remota est illa, de qua MODESTINVS atque PAVLLVS l. 19. et 26. D. de *Vsu et Vsufr. leg.* responderunt. Si enim alii FUNDVM, non detracto VSVFRUCTV, alii VSVFRUCTVM fundi testator legauerit, ususfructus inter eos COMMUNICABITVR: cum utrique de usufructu testator aequaliter prospexisse uideatur: ne fere inutilis sit alteri proprietas, si ille uiuus omni parte ususfructus, adeoque optima particula domini, careret. Idem fere in aliis oneribus obtinet, quae adiecta sunt legatis, inprimis si coheres legatum praecipere iussus sit, sub conditione, si heredibus aliquid exsoluat. Videtur enim ex illa summa, quae heredibus exsoluenda est, pars hereditaria ad ipsum etiam, qui legatum sub hoc onere praecipit, spectare. Enimuero PAVLLVS ait, si fundum heredi LEGAVERIT testator, illa lege, ut heredibus decem daret, deducere heredem ex illa summa partem hereditariam, et reliquam coheredibus, pro eorum portione, soluere: cum neminem ex coheredibus, adeoque nec illum, qui legatum praecipit, testator exclusisse censeatur; l. 44. §. 10. D. de *Condit. et demonst.* Ita quidem ueteres et COHEREDES, et LEGATARIOS, ad eandem rem uocatos, nisi aliud appareat, inter se AEQVALES, et pari beneficio ornatos, crediderunt.

VII

RATIO AEQUALITATIS IN IUDICIO FAMILIAE
HERCISCUNDAE

SED AEQUALITATIS, quam inter COHEREDES obtinere diximus, inprimis iudex in IUDICIO DIVISIONIS habebit rationem. GORDIANVS l. 9. C. *Fam. Herc.* inter BONAE FIDEI iudicia, quae inaequalitatem non admittunt, illud inter coheredes iurgium recepit. Placuit enim PAPI-
NIANO, l. 57. D. *Fam. Herc.* propter pietatis officium, inter fratres maxime, qui AEQVOIVRE contendant, magis esse IUR-
GIVM, quam litem: ut controuersiae ARBITRI sententia, aut mutuo consensu, dirimantur. PHILIPPVS certe l. 11. C. *Fam. Herc.* inter filios et filias, nullo discrimine admissio, parentum intestatorum bona, pro uirilibus portionibus, AEQVO IVRE diuidi, rescripsit, quod etiam ante ipsum obtinuit. CONSTANTINVS uero, l. 26. C. *Fam. Herc.* longius processit, et non solum SEXVS, sed etiam GRADVVM ordinem neglexit, et omnes heredes SVOS, ex quolibet uenientes gradu, imo et emancipatos, subinde PARES esse uoluit, omnesque paterno, quamuis nudo, atque non solenni de herciscunda familia iudicio, obtemperare iussit. Imo generatim COHEREDES, si dolo malo fecerint, ut PLUS ad eos perueniat, PAVLLVS ait, illos familiae herciscundae iudicio teneri, l. 44. §. 2. D. *Fam. Herc.* VLPIANVS enim l. 16. §. 4. et 5. D. eod. bonae fidei docet conuenire, ut dolus et culpa in hoc iudicio AEQUALITER praestentur: Ideoque coheredem, sumptus, quos communis hereditatis gratia fecerit, cum usuris ex die morae consequi, l. 18. §. 3. D. eod. cum et ipse fructus communicare debeat, et indignum sit, reliquos locupletiores fieri cum damno coheredis. Praeterea DIOCLETIANVS l. 3. C. *Commun. utr. iud.* si quid INAEQUALITER, etiam in familiae diuisione factum sit, corrigi et rescindi iubet. Sed uidetur obloqui PAPINIANVS, qui „l. 57. D. h. t. ait, „fratres arbitro accepto, communem hereditatem consensu diuidentes, pietatis officio defungi: „Sed DIVISIONEM NON RESCINDI; quamuis arbiter, iur-
„gio

„gio perempto, sententiam non dixerit; nisi auxilium aetatis intercedat.„ Quibus uerbis ICtus, si plerosque audias, uidetur, diuisionis non permittere RESCISSIONEM, nisi auxilio aetatis: ne quid pietatis inter fratres officium perturbet, quo defungi uidentur, dum hereditatem, citra strepitum fori, consensu diuiserunt. At enim uero ipsa ICTi uerba, et series orationis docent, hoc ei in mentem non uenisse. Illud tractat, utrum, arbitro inter fratres accepto, non expectata eius sententia, CONSENSV liceat diuidere hereditatem. Res habebat dubitationem, cum, docente GAIo, l. 25. pr. D. *Locati*, qui, ARBITRVM uel extra iudicium acceperunt, in hanc conditionem consensisse existimentur, ut si ille sententiam non dixerit, discedatur a negotio suscepto, et nihil inter partes actum censeatur, uel si in iudicio datus fuerit, ob litis contestationem, et iudicis auctoritatem, non temere negligi arbitrer, et contemni posse, uideatur. Itaque credi poterat, non posse liberos consensu hereditatem diuidere, si semel arbitrum receperint. Sed PAPINIANO placuit, perempto iurgio, non oportere diuisionem ex hac causa reuocari, quasi sententia arbitri expectari debuisset: maxime, cum fratres pietatis officio defuncti uideantur, quod controuersiam consensu distraxerunt. Negat igitur, hoc obrentu rescindi facile diuisionem. De reliquis rescissionis causis, et de inaequalitate, de qua DIOCLETIANVS tractat, ipsum ne cogitasse quidem, affirmauerim. Certe non metuo, ut quisquam sibi persuaderi patiatur, PAPINIANVM a DIOCLETIANO de rescissione diuisionis, propter INAEQUALITATEM, dissensisse: cum, si inter quosquam alios, maxime inter fratres, AEQUALITATIS ratio habenda uideatur.

Igitur, nisi aliud actum sit, AEQVALES iter se censentur coheredes. Ex quo et illud pender, quod GAIVS l. 5. D. h. t. praecipit, si aequis partibus heredes sint, neque inter ipsos conuenerit, a quo tabulae, et cautiones hereditariae custodiantur, SORTIRI eos debere: quo fere modo inter aequales, controuersiae facillime expediuntur: Ceterum, si

quis tabulas custodiendas receperit, GAIUS interponi cautiones iubet, ut, cum res exegerit, etiam coheredibus tabulae authenticae, quae AEQVO IVRE ad omnes pertinent, exhibeantur

VIII

AEQUALITAS IN COLLATIONE

DVM hereditas diuiditur, attinet etiam de COLLATIONE obiter monere. Collationis necessitatem LEO I. 17. C. de Collat. omnibus descendantibus, omni sexus et aetatis et graduum, omni suorum et emancipatorum discrimine remoto, imposuit; ut AEQVITATIS studio, AEQVA LANCE, PARIQUE modo, omnibus prospiciatur. Igitur placuit, et dotem et donationem propter nuptias CONFERRI. Olim quidem, pater, si facto testamento decessisset, non iniuncta liberis collatione, illam remisisse censebatur. Sed, ne quid inaequaliter inter liberos constituatur, cum tumultus mortis interdum patri recordationem et memoriam beneficiorum, quae in singulos contulit, adimat atque perturbet, etiam illos, qui EX TESTAMENTO parentibus succedunt, bona voluit conferre. Atuero plerumque illud solet accidere, quod maxime cauemus: et, dum rationes diligenter ordinantur, ne quid INIQVI admittatur inter fratres, ipsum AEQUALITATIS studium videatur INIQUITATIS aliquid afferre. Fac enim, AD DIGNITATES aliquid aut datum a parente, aut promissum. Certe iniquissime ageretur cum filio, qui, quod dignitatis nomine datum fuerit, conferre in commune cogetur. Enimvero, si incommoda cum dignitate, quam ex patris voluntate susceperat, coniuncta solus in posterum sentiet, sumptibus, quos dignitas postulat, exhauriet patrimonium, et uel cum dedecore, uel cum magno rei familiaris detrimento debeat in luce & republica uersari; cum contra reliqui, qui haerent in obscuro, nummos comparcant, et conditionem atque humilem locum, in quo constituti sunt, paruo teneantur, adeoque, illo tabescente et ad egestatem perducto, ipsi crescant diuitiis, et in tenui sorte et otio, splendorem et industriam fratris superent, et uincant. Igitur VLPIANO l. i.

§. 16. D. de *Collat.* placuit, fratrem, quod dignitatis nomine a patre datum est, uel promissum, non cogendum in commune conferre, sed hoc, propter ONERA dignitatis, PRAECIPVVM haberi oportere: imo, si illud, quod ad tuendam dignitatem promissum sit, adhuc debeatur, hoc ita interpretandum esse, ut ne solus ille oneretur, qui dignitatem meruit; sed commune sit debitum omnium heredum. Vides aliquando discedi ab arithmetica aequalitate, ipsius studio aequalitatis

Ceterum si nihil aliud appareat, AEQUALIVRE fratres censentur. Quod cum cogitaret SCAEVOLA, remisit aliquando filiae collationem, ne inaequaliter bona inter liberos dividerentur. Si enim pater moriens codicillis praedia sua omnia et totum patrimonium diuisit, ita, ut longe AMPLIVS filio, quam filiae relinqueret, collationem dotis cessare, arbitratur. l. 39. §. 1. D. *Fam. Herc.* Sed quibusdam quidem in mentem venit, LEONEM l. 17. C. de *Collat.* et IVSTINIANVM Nou. 18. c. 6. correxisse SCAEVOLAE sententiam, dum dotem omnimodo conferri uoluerunt. Enimvero ipsi Imperatores constituerunt, patris inprimis iudicium in collationibus sequendum esse. Sed SCAEVOLA de interpretatione iudicii paterni disputat, et rectius, ait, dici, EX VOLVNTATE DEFVNCTI collationem dotis cessare, si pater nihil reliquit indiuisum, sed multo plus filio, quam filiae, quae antea dotem acceperat, attribuit: cum AEQVO IVRE illis prospicere uoluisset uideatur. Quare etiam BERGERO (a) placuit, in hac specie collationem dotis HO-DIE cessare. Cetera attingere non lubet; De his enim copiose alii (b) exposuerunt

VIII

AEQUALITAS IN IUDICIO FINIVM REGVNDORVM

Restat ex DVPLICIBVS iudiciis, quae IVLIANVS l. 10. D. *Fin. reg.* commemorat, IVRGIVM FINALE, seu de FINIBVS REGVNDIS. Hoc quidem, si HERMOGENIANVM l. 5. D. de *Iustit. et Iure* audiamus, ex iure GENTIVM descendit

(a) de Berg. Oec. Iur. II. IV. § 1. n. 5

(b) Menoch, de Praesumpt. III. l. 79. n. 75. seqq. Gail. 2. Obs. 116

scendit. Ex illo enim iure introducta bella, discretæ gentes, regna condita, dominia distincta, AGRIS TERMINI POSITI, et aedificia sunt collocata. Certe necessitas exegit, ut dissensionis uitandae causa, inter aequales, termini et fines constituerentur. Odio igitur altercationis inter ADPINES, id est, inter illos, qui agros in confinio possident, quos, propter consuetudinem uitæ, et possessionum coniunctionem, amicitia et fide et bona gratia inter sese uti, conueniebat, uisum est, si qua inter illos controuersia oriaur, EX AEQVO ET BONO fines esse dirimendos. VLPIANVS enim l. 8. §. 1. D. *Fin. reg.* ad officium iudicis, de finibus cognoscentis, pertinere ait, mensores mittere, et per eos dirimere ipsam finium quaestionem, VT AEQVVM ESSE VIDEATUR: loco, si res exigat, oculis subiecto. Ex AEQVITATE igitur de finibus regundis statuatur. Quæ res efficit, ut iudex etiam ADIVDICATIONE et condemnatione controuersiam subinde finiat, amouendæ ueteris obscuritatis causa. Illud VLPIANVS, et GAIVS l. 2. §. 1. et l. 3. D. h. t. praeceperunt. Et quia utriusque litigantium interest, obscuros fines declarari; PAVLLO placet, etiamsi mentor ab altero solo conductus sit, tamen etiam eum, qui non conduxit, in partem mercedis condemnandum, l. 4. §. 1. D. *Fin. reg.* cum, qui aequo iure inter se utuntur, etiam onerum aequalem partem ferre teneantur. Sed in controuersia finium prima inspectio, quomodo conueniret inter ipsas partes. PAPINIANVS enim l. 11. D. *Fin. reg.* non semper uetusta monumenta sequitur, si uarietate successionum, et arbitrio possessorum, fines, additis uel detractis agris, permutatos esse, comprobetur. Solent enim uenditores, in alienatione agrorum, fines mutare, atque demonstrare: l. 48. D. *de Act. Empt. Vend.* aut testatores etiam, qui partem agrorum legato transferri ab herede uoluerunt, fines constituere, quod POMPONIVS tradit l. 24. §. 3. D. *de Leg. 1.* Illam enim destinationem domini subinde LEGEM FVNDI l. 40. §. 1. D. *Cont. Empt.* legem uenditionis, l. 60. et 68. D. *cod. modum fundi*, l. 7. §. 1. D. *de Per. et Comm. Rei Vend.* solebant appellare; quia illud pro lege partes tener, quod

quod consensu ab ipsis est probatum, l. 48. D. *de Pact.* Luculeater PAVLLVS l. 12. D. *Fin. reg.* eos terminos, quantum ad domini quaestionem pertinet, observandos esse, ait, QVOS DEMONSTRAVIT IS, qui utriusque praedii dominus fuit, cum alterum eorum venderet

Primum igitur ex TRADITIONIS LEGE controuersia dirimitur, si inter illos sit iurgium, qui inter sese de certis finibus, et agri modo, conuenerunt. Quod si nihil actum fuerit, ad aequitatem arbiter recurret: sed non, ut personarum, sed, ut FVNDORVM rationem habeat: quia fines non personis, sed FVNDO potius adiudicantur. Ita PAVLLO placet l. 4. §. 5. D. *Fin. reg.* Ipsi autem fundi inter se AEQVALES esse iudicantur. MODESTINVS enim, quem supra adduximus l. 7. D. *Fin. reg.* de MODO agrorum arbitros dari docet, et eum, qui MAIOREM locum in TERRITORIO habeat, ceteris, qui MINOREM locum possident, INTEGRVM locum assignare compelli: Atque ita saepius rescriptum esse. Ne quem vox TERRITORII offendar, POMPONIVS l. 239. §. 8. D. de V. S. TERRITORIUM interpretatur VNIVERSITATEM agrorum, intra fines cuiusque ciuitatis

Itaque, qui in uniuersitate agrorum ad eandem ciuitatem pertinentium MAIOREM LOCVM possidet, ceteris locum integrum assignare compellitur. Nihil, hac MODESTINI sententia, aequitati conuenientius. Est enim probabile ad fidem, magistratus, aut ciues, et colonos nouos, qui ad idem territorium uenerunt, inter se primo AEQUALITER agros diuisisse: Certe non fuisse passuros, ut uni cuidam ex uniuersitate MAIOR LOCVS soli assignaretur, ceteri MINOREM possiderent. Igitur cum mutatio FACTI sit; haec profecto, quod supra obseruatum est, non PRAESUMITVR, nisi ab allegantibus probetur. Neque quisquam obiciat, DELICTA etiam, et MOTI TERMINI CRIMEN NON PRAESUMI: Sed, quemcunque, quod possidet, IVRE SVO uideri possidere; quod VLPIANVS docet, l. 51. pr. D. *Pro Socio*. Enimvero, debes cogitare, quod etiam sine delicto in-

D

ter-

terdum, si *VLPIANO* fides est, l. 8. pr. D. *Fin. reg. irruptio-*
ne fluminis, et inundatione, fines agrorum confundantur,
 ideoque quibusdam occasio usurpandi loca, in quibus ius
 non habent, opportunitate casus, et temporis, praestetur.
 Ut taceam, delicta etiam praesumi, si luculentis indiciiis se
 prodant. Ita certe, in illa specie, quam sub initium pro-
 posui, *ICTORVM* in hac Academia *ORDINI* uisum est:
 inprimis, cum testes etiam, et prior uenditor, fuisse agros
 inter se *AEQVALITER* diuisos, affirmarent. Iuat, ipsa
 uerba sententiae adiicere:

Daraus so viel zu befinden, würde Klägers Principalin,
 daß der streitige Rein, nebst 2. Ellen weniger $\frac{1}{8}$. von Be-
 klagten's Felde zu ihrem Acker-Stücke gehöre, vermittelst En-
 des erhalten, demnach in Supplementum schweren, immassen
 vor allen Dingen zu beschehen, so ist Beklagter derselbigen
 ermeldten Rein, und 2. Ellen, weniger $\frac{1}{8}$. Feldes abzutret-
 ten; so wohl die bißher davon erhobenen Nutzungen, zuerstat-
 ten, schuldig, gestalt auch beyde Theile ihre Felder durch
 Gränz-Steine, gewöhnlicher maassen, zu unterscheiden verbun-
 den, Im übrigen werden die specificirten Gerichts-Expensen,
 von denenjenigen, welchen sie angeschrieben, billig eingebracht,
 B. R. B.

Rat. decid.

Indietwil bey der Besichtigung fol. 2. b. Beklagten's
 Acker-Stücke 2. Ellen, weniger $\frac{1}{2}$. Viertel, breiter, als der
 Klägerin's Felder befunden worden, hingegen aus der von Klä-
 gern producirtten Zeugen fol. 171. b. ad art. probat. 4. sq. in-
 gleichen ad art. 23. fol. 184. it. ad interrog. speciale 16. fol.
 187. b. wie nicht weniger fol. 193. seq. ad art. 5. seq. so wohl
 von Beklagten's eigenen Zeugen fol. 204. ad interrog. special.
 1. 2. und ad art. reprobat. 8. gethanen eydlichen Aussage, so
 viel erhellet, daß, wenn auch unter denen Mühl-Stücken eine
 Hufe

Hufe mehr Acker habe, als die andere, dieselbigen dennoch in denen Schlägen einander gleich seyn sollen, und solches in dassetiger Gegend also gehalten worden, inmassen auch Klägers dritter Zeuge fol. 194. b. ad art. 15. und fol. 196. b. ad art. 25. solches von Klägers und Beklagens Stücken bekräftiget, und daß er ehemals, als er auff denen letztern geackert, sich nach seinem Acker jederzeit gerichtet, und beyde unter einander eine Gleichheit beobachtet, auch an Klägers Felde damahln nichts gemangelt habe, behauptet, folglich Kläger semiplenam probationem vor sich hat, hiernächst die gemeinen Rechte, vor denjenigen, der weniger als der Nachbar besizet, praesumiren,

L. 7. D. Fin. regund.

Diese praesumption aber dadurch, daß Klägers Vorfahren etwas Rasen, zu Verreinigung und Unterscheidung beyderseits Felder, liegen lassen, mithin dadurch die Gränzen unter ihnen feste gestellt worden, nicht elidiret wird, in Betrachtung, daß Klägers Zeugen fol. 211. b. ad interrog. spec. 1. daß dergleichen anscheinende Reine, mit dem Haupte des Pfluges, weit in des Nachbars Acker eingedrängt, und fortgetrieben werden können, ausgesaget, im übrigen, das von dem ehemahligen Besizer derer streitigen Felder, Hans Pösslern, ertheilte, und fol. 272. befindliche Attestat, in welchem er, daß Beklagens sämtliche, sonderlich aber das neben Klägers Principalin Feldern gelegene halbe Hufen-Stücke, nicht ein Haar breiter seyn sollen und müssen, als die übrigen, bezeuget, nicht gänglich auff Augen zu setzen, gestalt denn die Gränzen, wenn darüber Streit entstehet, am süglichsten durch den vor-mahligen Besizer angegeben und ausgemachet werden können,

L. 12. D. et L. 1. C. Fin. reg.

und ohngeachtet Kläger ermeldtes Attestat bey dem Beweis nicht induciret, sondern dasselbige erstlich nachhero, fol. 273. von Pösslern, mittelst Eydes, bestärket worden, dennoch die

vor Klägern ohnedieß streitende und Beklagtem entgegen stehende Vermuthung, dadurch unterstützt, und vermehrt wird,

So ist Klägers Principalin das Suppletorium zuerkannt, und wenn solches wirklich geleistet wird, Beklagter auff die maasse, als in Unserm Urtheil enthalten, billig condemnirt worden

X

SORTITIO INTER AEQVALES

In iudiciis, quae adhuc tractata sunt, sorte interdum controuersias dirimi, supra fuit obseruatum. Operae pretium uidetur, de SORTITIONIBVS generatim aliquid monere. Nimirum ineptum et a recto consilio alienum est, SORTI et CASVI rem decidendam committere, quae DEBEAT et POSSIT RATIONE definiri. Enimvero, hoc est, seipsum et diuinos fines prodere, si quis negotium, de quo ex diuina uoluntate constituendum sit, ex fortuna et casu uelit aestimare. Superstitioni illorum hoc debetur, qui in sortibus semper diuini aliquid inesse, adeoque, si sortiti essent, non casu, sed diuino iudicio, controuersias dirimi, arbitrabantur. Sed nemo facile, qui sapiat, his nugis aures commodabit. Igitur nunquam SORTITIONI in litibus iudicandis locus est, nisi, cum id agitur, ut res quomocunque finiatur, et cum non refert, quis sit exitus iudicii futurus. Illud inter AEQVALES inprimis obtinet. Horum enim alter alteri plerumque cedere detrectat. Itaque, si quid ab omnibus exigitur, aut praestandum est, quod non, nisi ab uno, aut paucis, suscipi et praestari possit, sorte controuersia deceditur; quia non interest, quis illorum sorte eligatur, cum OMNES obligentur, atque inter illos non facile discrimen admittatur. Res comprobabitur exemplis. Inter illos, qui AEQVIS partibus coheredes sunt, sorte deceditur, apud quem tabulae authenticae, et cautiones hereditariae, et communia instrumenta, deponantur. Hoc enim VLPIANVS, atque GAIVS com-

commodissimum uideri responderunt, J. 4. §. 3. et l. 5. D. *Fam. Hec.* Idem, si ambo coheredes ad iudicium prouocent, placuit l. 14. D. *de Iudic.* ut, quis actor esse debeat, iudice fortuna, decidatur. IUSTINIANVS etiam, si OPTIO legata sit, et inter collegatarios non conueniat, quis illorum optet, SORTE inter illos unum eligi uoluit, qui optionis officio, communi nomine, defungatur, l. 3. pr. C. *Comm. de Legat.* VLPIANVS etiam alio loco, seruos, ait, inter se SORTIRI, uter ipsorum ad libertatem perueniat: Si enim quis plures seruos rogatus sit manumittere, sed fideicommissum ad omnium pretia non sufficiat, non quidem omnes, sed illorum tamen, quorum pretium, cum fideicommisso comparatum, illud patiatur, liberos futuros: et quidem merita cuiusque aestimanda, ut dignissimus illorum perueniat ad libertatem: aut, si paria haec fuerint, SORTITIONE statuendum, uter potius manumittendus esse uideatur: ante omnia uero scripturae ordinem sequendum, l. 24. §. 17. D. *de Fideic. Libert.* Illud durius, etiam MILITES interdum, uter illorum poenam subire debeat, SORTIRI. Sed societates sceleris, qua omnes poenam meriti uidentur, efficit, ut ille, quem fors tetigerit, conqueri non possit. Multa PETRVS PANTOIA DE AIALA (a) conquisiuit, quae exscribere non uacat

XI

AEQUALITAS IN DIVISIONE SERVITVTVM

Sed redeo e diuerticulo in uiam. Fere enim praetermissam monere, ut corpora et quantitates, ita etiam IURA atque SERVITVTES COMMUNES, diuidi solere. Quamuis uero constet inter omnes, seruitutes, in quantum fundi libertatem restringunt odiosas esse, atque strictam duntaxat

dem seruitus pertinet, aequitatis ratio praeualuit, ut socii AEQUALITER concurrant in usu seruitutis. Hoc LABEO l. 31. D. de *Vsu et usufr. leg.* et ULPIANVS l. 7. §. 10. D. *Comm. diu.* in diuidendo usufructu inprimis tractauerunt. Ususfructus enim, si duobus legatus fuerit, uel regionibus inter illos diuidetur, uel tertiae personae locabitur, ut hi pensiones, sine ulla controuersia, percipiant, uel per tempora subinde, id est, mutua uice, certo tempore, cautionibus interpositis, utentur et fruuntur. Eundem fere in modum IULIANVS l. 5. pr. et §. 1. D. de *Aqu. quolid.* AQVAM non solum mensuris, sed etiam temporibus diuisit, si eadem aqua duobus debeat: et, ut ne studium aequalitatis subtilitate iuris civilis euertatur, placuit, illos, qui ius aquae habent certis temporibus, inter se permutare posse tempora, et, quamuis neuter suo tempore, sed tempore, quod socio assignatum esset, aqua usus esset, neutrum tamen ius aquae amisisse

Si iter pluribus debetur, placuit ULPIANO, l. 4. §. 3. D. *si seru. uind.* ius seruitutis esse indiuisum, adeoque et per unum retineri, et defendi posse, cum et bona fides inter socios id ferat, ut alter alterius meliorem conditionem faciat: Ideoque et quemlibet illorum in solidum de itinere experiri posse, et alteri alterius uictoriam prodesse: sed, ne quis tamen plus petat, quam aequitas postulat, aestimationem ad illud reuocari, ait ICtus, quod eius intersit, qui experietur. Adeo seruitutes, quae NATVRA sunt indiuiduae, AESTIMATIONE diuisionem uidentur recepisse

XII

ONERVM PVBLICORVM AEQVABILIS DESCRIPTIO
ET

ACTIO NEGATORIA

EX PRAESUMPTIONE AEQUALITATIS

Sed non solum seruitutes, inter illos, quibus hae debentur, sed onera etiam publica, inter hos, qui illa ferre debent,

debent, diuiduntur. FLACCVM CICERO (a) inprimis commendabat, ob AEQVABILEM sumptuum DESCRIPTIONEM. In republica certe Romana de nulla re studiosius Imperatores profpexerunt, quam ut aequaliter onera per ciues diuidantur. Cum plerumque ignorentur ciuium facultates et copiae, HONORIVS ET THEODOSIVS, l. 2. C. de *Immun. nem. conced.* pro iugerum numero onera possessoribus imposuerunt. Certe AEQVATIONIS studio GRATIANVS cum COLLEGIS l. 1. C. eod. IMMUNITATVM specialium gratiam damnauit, et ex AEQVO omnes uoluit necessitatem functionis tributariae subire. VLPIANVS etiam l. 1. §. 1. et 2. D. de *Iure Immun.* si quae immunitas cuiquam data sit, illam ad heredes non transire, imo, si generi et posteris concessa sit, ad eos, qui ex foeminis nati sint, illam non pertinere, docet: ut intelligatur, odiosa fuisse priuilegia, quae cum reliquorum iniuria coniuncta uideantur, l. 4. C. de *Emancip. liber.* Nihil fere addi potest illis, quae GVILIELMVS FORNERIVS (b) de hoc argumento obseruauit

Sed, ut supra diximus, nuperrime dubitatum est, qua actione utendum esset, contra illos, qui, immunitatis aliquo obtentu, onera publica subterfugiunt, et reliquos onerant temeraria tergiuersatione. Inprimis de actione NEGATORIA disceptatum est. Enimuero, ut de actione negatoria breuiter exponam, non multum obluctarer magnis uiris, contra quos LVDOVICVS VITALIS (c) aliquando surrexit, qui inter confessoriam et negatoriam, solum formularum discrimen: AIO MIHI IVS esse: et: AIO, TIBI IVS NON ESSE: intercedere existimarunt. Mirifice enim lege 6. pr. et lege 11. D. si *seru. uind.* discrimen formulae commendatur: ut fere actio NEGATORIA generaliter ex IVRE PROHIBENDI, quod uel ex libertatis

ne, uel ex seruitute competere potest, enasci uideatur. Sed **VLPIANVS** me in contrariam partem mouet, qui l. 2. pr. D. *si seru. uind.* confessoriam ait, ei dandam esse, qui seruitutem sibi competere contendit, **NEGATORIAM** DOMINO, qui **NEGAT**. Qua re nihil potest esse luculentius. Accedit, quod idem **VLPIANVS** l. 8. pr. D. *si seru. uind.* **NEGATORIAM** actionem **CONTRARIAM**, seu, quod Graeci Interpretes aiunt, ἀντιδικήν ἀγνήσεως, qua negamus alteri ius seruitutis, et contra illum agimus, qui seruitutem sibi postulat, appellat. Igitur ex **PRAESUMPTIONE** **LIBERTATIS** actio negatoria illi datur, qui negat alteri ius esse seruitutis. Sed quae ex **LIBERTATE** datur, illam, ne dubites, etiam ex **AEQUALITATIS** naturalis **PRAESUMPTIONE** domino concedi; quandoquidem **VLPIANVS** l. 32. D. de *Reg. Iur.* ipsa libertatis iura exinde deducit, quod natura omnes **AEQVALES** esse uideamur: Ut dubitari non possit, uti libertatem rerum atque personarum, ita **AEQUALITATEM** etiam naturaliter **PRAESUMI**.

Nostro quidem iure expeditum est, **NEGATORIAE** actionis formulam generatim omnibus accommodari, qui ex **PRAESUMPTIONE** **IVRIS** agunt, contra illum, qui ius singulare sibi competere contendit. Quae cum ita sint, recte rusticorum uniuersitas, contra duos reos, qui se oneribus publicis et aequabili collationi subtrahebant, seque a multis annis dimidio minus, quam reliquos, contulisse iactitabant, actione negatoria ex praesumptione **AEQUALITATIS** **NATURALIS** experta est. Sed rei quidem subtiliter excipiebant, actores, qui se onera illa, et tributorum collationem, debere faterentur, ex libertate agere, adeoque actione **NEGATORIA** uti non posse; cum nemo sit liber, qui seruiat, et nemini negatoria competat, qui fateatur, se debere seruitutem. Enimvero his respondendum erat ex **VLPIANO** l. 4. §. 7. D. *si seru. uind.* quod licet meae aedes alii seruiant, tamen sufficiat ad **NEGATORIAM**, illas ei, cum quo agitur, non seruire: hinc etiam uniuersitati, quae alii tributa debeat, negatoriam competere, aduersus socios, qui illud onus totum in acto-

res

res deuoluere, seque publicae necessitati subtrahere uolebant: cum illis non competeret ius aliquod immunitatis, aut ius cogendi reliqua membra ciuitatis, ut partem onerum, quae omnibus incumbebant, susciperent. Fortior soli enim uidebatur aequalitatis, quam natura tribuit, praesumptio, quam illa, quae ex possessione aliqua immunitatis dicitur enasci. Hoc adduxit ICTO'S LIPSIENSES, ut post Litis Contestationem, non actoribus actionis, sed reis iniungerent IMMUNITATIS, quam allegauerant, PROBATIONEM. Cum his etiam ICTI VITEMBERGENSES, qui de illa lite postea, Leutatione interposita, iudicabant, quod ad ius attinet, consentiebant; quamuis ipsi reos, quia praescriptione ius immunitatis adepti erant, absoluerent ab onere probationis. Res clarior erit, si ipsa RATIONVM uerba adscribamus:

Ob wohl, bekanten Rechten nach, die praesumptio libertatis et aequalitatis naturalis stärker, als diejenige, so aus einer erlangten Possess entsteht,

arg. L. 6. §. 1. D. si seru. uind

et L. 9. C. de seruitut

Demnach, daß denen Beklagten der Beweis der vorgeschützten immunität, nach der im letzten Urtheil gegebenen Erklärung, aufzuertlegen, es das Ansehen gewinnt, &c.

D. a. d. die von Beklagten über 30. 40. und mehr Jahre continuirte possessio uel quasi der immunität von der Halssteind derer libellirten Dienste und onerum, aus denen

XIII

AEQUALITAS IN CONTRACTIBVS BILATERALIBVS
ET ALIIS NEGOTIIS

Res finem non inuenirer, si per omnes species causarum aequalitatis studium probare susceperem. Iuuabit tamen pauca, quae in mentem ueniunt, digito, quasi in transcurso, indicare. Inter illos etiam, qui in *TURPI* causa sunt, *ANTONINVS* l. 2. C. de *Condict. ob turp. caus.* ius aliquod aequalitatis constituit, et in pari causa possessoris conditionem meliorem esse uoluit; cum inter aequales, qui prior est tempore, praefendus uideatur. Illud meretur obseruari, etiam in *STRICTI IURIS* negotiis, duos correos promittendi ex *AEQVO* obligari, et, diuisionis beneficio, ius aequalitatis inter illos conseruari. *Auth. hoc ita* etc. C. de *Duob. Reis*

Inter *CONIVGES*, quamuis uxorem natura subiiciat marito, tamen quaedam iura communicata sunt. Certe *IUS COMPETENTIAE* quod dicunt, propter mutui amoris, et gratiae *AEQUALITATEM*, utrique coniugi conceditur. *MODESTINVS* enim, l. 20. D. de *Re iudic.* non solum maritum, si ab uxore conueniatur, condemnari ait, in *QUANTVM FACERE POSSIT*, ex D. *PII* Constitutione; sed *AEQVITATIS*, putat, rationem suggerere, ut idem *AEQUALANCE* in uxoris persona obseruetur

In transactionibus placuit, si minor aduersus illa, de quibus transactum est, aetatis auxilio, restitutionem in integrum impetrauerit, ne alterum quidem, ex eo, quod conuenerit, teneri l. 2. C. si *aduersus transact.* (a) sed utrumque *AEQUALITER* obligatione solui, si negotium ab altero illorum retractetur

In

(a) *Fornarius Select. III. 5. in Thef. Otton. T. II. p. 87.*

IN CONTRACTIBVS, in quibus uterque aliquid promittit, nemo dubitat, auctore DIOCLETIANO l. 2. C. de Resc. uend. AEQVALES praestationes ab utraque parte exiggi, et ob laesionem illius, qui dimidio minus consecutus est, rescissioni locum dari. Hoc enim, in diuisionibus in primis, etiam ante DIOCLETIANVM, iam tum temporibus PAPINIANI, imo uero ante PAPINIANVM, ob bonam fidem, qua haec iudicia reguntur, obtinuisse, supra fuit obseruatum. Sed, uidetur quidem illa aequalitas habere aliquid iniquitatis; cum ciuium patrimonia et uires, ex quibus naturali ratione officia et obligationes aestimantur, eodem modulo metiri non possimus, durumque sit, tantundem a paupere exiggi, quantum ab altero diuitem, qui cum illo negotiorum contrahit, praestetur. Haec est illa aequitas, quam HORATIVS (a) in moriendi necessitate accusauit:

Labuntur anni: nec pietas moram
Rugis, et instanti senectae
Afferet, indomitaeque morti.

Non, si tricenis, quotquot eant dies,
Amice, places illacrymabilem
Plutona tauris: qui ter amplum
Geryonem, Tityonque tristi

Compescit unda, scilicet omnibus,
Quicunque terrae munere uescimur,
Enauiganda: siue REGES,
Siue INOPES erimus COLONL

PLINIUS (a) certe, sublato discrimine personarum et conditionis, qua quisque utitur, nihilipsa AEQUALITATE, putat, esse INAEQUALITATE. Sed frustra accusant DIOCLETIANVM, qui his criminationibus utuntur. ULPIANVS enim l. 8. D. de LL. et CELSVS l. 5. D. eod. docent, iura non in singulas personas, sed generaliter constitui, et ad illa dirigi, quae plerumque et frequenter eueniunt. Sed, non indiget probatione, plerosque in republica pauperes, paucos diuites haberi: Certe raro ciuem, si diuitias aestimes, dimidia facultatum parte, altero ciue superiore esse. Quapropter recte constitutum est, ciues aequo iure etiam in contractibus censi. Satis enim iustitiae distributivae uidetur habuisse rationem, qui illam AEQUALITATEM constituit, quae PLERORVMQUE ciuium conditioni et uiribus sit accommodata: omnia turbantur atque permiscuntur, si iudici potestas fiat, singularum personarum diuitias, et uires aestimandi, aut, propter paucos quosdam diuites, a regula iuris ciuilibis discedendi. Ex quo apparet, merito in contractibus, in quibus de pretio IVSTE, id est, meritis AEQUALI, paciscimur, praestationes utringue aequales a contrahentibus desiderari: cum iniquum sit, ciuem PAUPEREM, quales sunt plerique, cum alterius PAUPERIS damno locupletari

(a) Plin. L. IX. epistol. 5

p. 4. lin. 2. pro: iam dux, lege: iam tum

p. 4. not. a. pro: Cic. L. II. de Nat. Deor. Op. T. I. p. 28. lege: Cic. L. I. de Nat. Deor. T. III. p. 281

p. 11. lin. 22. pro: hominem, lege: hominem homini

p. 14. lin. 18. et inter, deleatur; et